

Cyfoeth Naturiol Cymru

Cyfarfod Bwrdd

27 Chwefror 2013

Teitl y Papur	Fersiwn Ddrafft y Ddogfen Fframwaith a'r Llythyr Cylch Gwaith
Cyfeirnod y Papur:	Papur 1 (02/13) [C]
Paratowyd y Papur gan:	Laura Fudge, Adran yr Amgylchedd a Datblygu Cynaliadwy, Llywodraeth Cymru

Pwrpas y Papur:	Trafodaeth
Argymhelliad:	Trafod fersiwn ddrafft y Ddogfen Fframwaith a'r Llythyr Cylch Gwaith
Angen Penderfyniad:	Amherthnasol

Effaith: Dylid nodi – mae'n bosib nad yw pob pennawd yn berthnasol i'r pwnc	Effaith ar yr Amgylchedd: Effaith ar yr Economi: Effaith ar y Gymuned: Effaith ar Wybodaeth:
--	---

Mater

1. Gofyn barn y Bwrdd am gynnwys: fersiwn ddrafft Llythyr Cylch Gwaith 2013/14 Cyfoeth Naturiol Cymru; a fersiwn ddrafft y Ddogfen Fframwaith.

Cefndir

2. Mae fersiynau drafft y Llythyr Cylch Gwaith a'r Ddogfen Fframwaith wedi cael eu datblygu gan Adran yr Amgylchedd a Datblygu Cynaliadwy drwy ymgynghori â staff y Rhaglen Cymru Fyw ac Emyr Roberts.
3. Mae fersiwn ddrafft y Llythyr Cylch Gwaith (Dogfen 1) yn nodi agenda strategol Cyfoeth Naturiol Cymru y tu hwnt i'w swyddogaethau statudol. Mae'r Llythyr Cylch Gwaith hefyd yn cyfleu pa mor bwysig ydyw bod Llywodraeth Cymru a Cyfoeth Naturiol Cymru yn gweithio at yr un pwrpas. Mae Gweinidog yr Amgylchedd a Datblygu Cynaliadwy yn disgwyl i Cyfoeth Naturiol Cymru sicrhau parhad busnes; sicrhau camau gorfodi a chamau rhagataliol effeithiol pan fydd risgiau'n dod i'r amlwg, ymateb i ddigwyddiadau, a bodloni rhwymedigaethau statudol domestig ac Ewropeaidd. Mae Atodiad 1 y llythyr yn nodi blaenoriaethau Llywodraeth Cymru i sicrhau bod camau'n cael eu cymryd yn gynnar.
4. Cyfoeth Naturiol Cymru fydd yn bennaf gyfrifol am sicrhau'r manteision a ddiffinnir yn yr Achos Busnes dros greu Un Corff Amgylcheddol yng Nghymru, a gofynnir i Cyfoeth Naturiol Cymru sicrhau bod cynllun manteision ac effeithlonrwydd clir yn rhan annatod o'i broses cynllunio busnes. Mae Atodiad 2 yn nodi'r manteision – y manteision rhyddhau arian a'r manteision gweithredol – a ddylai gael eu sicrhau dros y bum mlynedd a'r ddeg mlynedd nesaf. Bydd y gyllideb y cytunwyd arni, sy'n sail i'r Llythyr Cylch Gwaith, yn cael ei nodi yn Atodiad 3 y Llythyr Cylch Gwaith.
5. Bydd yr holl Gyrff a Noddir gan Lywodraeth Cymru yn cael Dogfen Fframwaith yn Nogfen 2. Mae hon yn cadarnhau cysylltiadau, cyfrifoldebau a dirprwyaethau, ac yn ceisio sicrhau cysondeb yn y modd y mae'r holl Gyrff a Noddir gan Lywodraeth Cymru yn cael eu trin. Mae pob Dogfen Fframwaith felly yn cynnwys rhywfaint o nodweddion safonau cyffredin.

Y Camau Nesaf

6. Mae fersiwn ddrafft y Llythyr Cylch Gwaith a'r Ddogfen Fframwaith wedi cael eu cyflwyno i Weinidog yr Amgylchedd a Datblygu Cynaliadwy er mwyn cael ei safbwyntiau cychwynnol, nes y'i trafodir â Bwrdd Cyfoeth Naturiol Cymru. Bydd fersiwn derfynol y Llythyr a'r Ddogfen Fframwaith yn cael eu rhoi i'r Cadeirydd, Peter Matthews, gan Weinidog yr Amgylchedd a Datblygu Cynaliadwy.